

永春州志

docriver 文川网
入驻商家 古籍书城
在文川网搜索古籍书城 获取更多电子书

永春县志方志编纂办公室 整理

厦门大学出版社

主 编：潘耀金
责任编辑：王依民
书名题字：陈金榜
封面设计：潘耀金 潘才教

ISBN 7-5615-1006-3



9 787561 510063 >

ISBN 7-5615-1006-3

K · 182 定价：30.00 元

永 春 州 志

(清乾隆二十二年版)

永春县地方志编纂办公室 整理

厦门大学出版社

1994年·厦门

docsriver 文川网
入驻商家 古籍书城

在文川网搜索古籍书城 获取更多电子书

[闽]新登字 09 号

永春州志

(清乾隆二十二年版)

永春县地方志编纂办公室 整理

厦门大学出版社出版发行

福建省新华书店经销

永春县印刷厂印刷

开本 850×1168 1/32 14.375 印张 361 千字

1994 年 12 月 第 1 版 1994 年 12 月 第 1 次印刷

印数:1—2000 册

ISBN 7-5615-1006-3/K·182

定价:30.00 元

整理重印《永春州志》序

旧志历来珍收秘藏于少数书馆和士仕之家，一般邑民出于乡土之心，欲探史窥志而不可得，每引为憾。而今欣逢盛世，新编了《永春县志》，广为传播。但由于篇幅所限，新志只能遵循详今略古的编纂原则，记载重点在于近现代，且基于当代，古代部分笔墨不多。为使读者了解更多的永春历史，并方便查阅旧志，县方志办决定整理重印《永春州志》（杜昌丁督修版）。

永春历史上曾有由场而县而州的建置沿革。清雍正十二年升为直隶州，辖德化、大田两县，州治达180年之久。此间，州牧亲自主持编修的志乘有两部，一部系乾隆二十二年知州杜昌丁聘永福人黄任编修，另一部系乾隆五十二年知州郑一崧聘邑人颜琦重修。

以现存两部州志与另两部旧县志比较，杜昌丁督修、黄任主编的《永春州志》的体例比较完整、内容比较丰富、文字也比较简练。这与杜昌

丁、黄任的文史功底分不开。黄任，字莘田，福建省永福县（今永泰县）人。康熙年间举人，曾知广东省四会县。他属文工诗，著有《秋江香草斋》集。同时，他又是修志专家，记述颇重史实，很有研究价值。县方志办选择这部州志作为点校蓝本，是选准了的。

整理出版旧志，钩沉辑遗，徵文考献，以古鉴今，资治兴邦，昭往彰来，得益当代，泽惠后世，意义重大。值此州志付梓之际，爰书数语，叙其缘起，是为序。

中共永春县委书记 洪辉煌

一九九四年七月一日

序

唐李吉甫作《元和郡国志》，谓执此可以善治。夫志，不过寰宇山川，则壤赋役，风俗淳漓，人物臧否数者，非真能如《春秋》之书，为圣人极致，治世要务，如何休^①之所云。而遂以为其通于治，非以其彰往察来，观民化俗，莅军行政之胥于是；在于以昭法戒，定取舍，而端治源也耶？若徒斤斤于簿书钱谷，过之不暇，则志亦具焉已耳。

永春在昔为县，与德、大比邻，复岭重冈，深林密菁，易为蝥尾犴牙之窟。我朝雍正十二年，升县为州，割泉、剑之二邑来属。其山水之蜿蜒，道里之错伏，习俗之符契，若一人之身，筋联骨属，脉贯血输，诚有辅车唇齿之势。而各邑旧有专志，不相连属，此州志之不可以已也。

顾设州以来，不佞首承乏。今且二十余年矣。中以养去者一，以奉使去者一，以署篆去者三，有志斯役，率逡巡未果。每公余，进州之大夫、士，告以纂修之举，莫不踊跃欣佐，捐镗以襄盛事。丙子夏，敦聘余友永福黄十砚^②偕其小阮成迪，同属笔焉。适不佞复视泉篆，弗即开局。十砚家富藏书，又勤于采辑，心手勾稽，搜残缺于蟬丝蠹屑中，视旧志增十之五六。是年冬，不佞归永，请卒業。遂相与商榷考订，为类二十有四，为卷三十有五。其宦迹乡懿之弃取，则不佞专司之。

凡十阅月而书成，复进州大夫、士，而谓之曰：“不佞之所以告无罪于是邦者，岂惟是稽图数典，俾文献无阙遗？亦城隍戎马之救宁，版籍户口之拊卹，民风士习之率作整齐。坐公署则思承流，溯名宦则思景附。尔都人士，于前辈名卿硕彦，流风余韵，亦必读是志而喟然兴，以似以续，为魁垒，为俊乂，绳绳延延于先正之典型，而使之勿坠。于以上承圣天子一道同风、人文化成之盛，是则不佞以志为治之意也。”是为序。

大清乾隆二十有二年，岁次丁丑，仲夏之吉。诰授奉直大夫、永春直隶州知州青浦杜昌丁撰。

[校 注]

①何休 东汉经学家，主要著作有《春秋公羊解诂》，为今文经学家议政的主要依据。

②黄十砚 即主编黄任。

序

北齐秽史，千古唾之。而唐宋名士，为人作传志、碑文，亦间有装饰过当者。夫家乘邑乘，各自为书，他时听上采择，汇成大编，其诸信今传后，不可以不慎也。

永春旧隶于泉，雍正十二年，始改建直隶州，以德化、大田割属附庸，为枢纽中一大纲领。矧此两纪以来，川原田赋，宫室寺观，人物风尚，增损不齐，异同错见，若任其散轶不收，司牧者其谓之何？

杜君文学朴忠，余所默契。其来吏此州也，垂二十余年。领袖群英，旁搜博览，补亡求遗，铸一都会。兹州志告竣，乞序于余。检阅之下，条理井然，体制合度，而不事妆饰，尤足以丑夫浅陋多文者。余故嘉其大概，欣然搦管，遂忘此事之拙，并藉以为寿云尔。是为序。

时乾隆二十有二年，岁次丁丑，小春穀旦。抚闽使者长白钟音撰。

嘉靖丙戌旧志叙

· 闽平崖林弢撰 ·

永春山邑无邑乘。柴子曰：“邑无志，宰弗取也，成周法制，具于《周礼》，志奚可缺蔑耶？”乃走聘次崖林子纂成之。

夫志，政之具也，修志所以立政。余读其志，亦详哉其言之也。夫舆地，邑之纲纪于山川也；志登规制、版籍、官守、人物，所以扬榘古今，监世盈虚，董劝昭垂，为后之施治也。古人见其著书，欲观其行事。斯志也，林子学足资世，昭矣。

传曰：“儒者通于世务。”曰：“言道德者，多溺其职。要之，可论亦不可论也。”余观柴子守闽，破觚斫雕，政若罔罔，惠究下而名，顾不上剖暴，乃改永春邑宰。永春疆险，于万山之隘，多寇贼。虽或非其产，险，故盗贼所凭阻其疆也。柴子至，逾月，贼至，柴子竦戎，贼去。越岁再至。再岁三至。柴子曰：“文武不修，良民惧，乃形格势禁。”身与戍伍均粮，苦追击赴战，剿薙子小尤中、碧溪、鸡母岫等寨。柴子可谓武矣！顾政何若罔罔？非曰道德云耶？永春多山谷，其土刚，民犯禁者滋。柴子思省吏职，求威德之。三载，民黜暴入顺。士多资富篤教，柴子兴其学，遑遑于庠塾之事，崇化厉贤，士始矍矍好文学。柴子可谓儒者。蒸蒸吏治，不可谓不通世务也。柴子尚贤，立政如是，是之谓知务。余故备宰之贤，撰志序。

旧志后序

· 林希元 ·

昔者禹既抑洪水，乃分九州，定山川，别疆圻，条物产，辨贡赋，地理之书，于是昉矣。周有外史，掌四方之志，志之名始见。嗣后，国史地志，转相祖述而已。史志、地理、郡国志，有畿服、輿地、区宇，各自名家、滥觞百代。

夫志，邑之史也，备一邑之事者也。地理云乎哉？山川、风物存乎輿地，建置存乎规制，国计存乎版籍，吏治存乎官守、人物；词翰，文献之征也；杂志，众流之府也，罔弗备矣。故志有道焉：规度欲正，正以立体；该载欲尽，尽以周物；考核欲精，精以审是；品量欲公，公以永鉴。四者具，斯良志矣。《书》、《礼》、《春秋》，始亦志也，犹之摺、邱、乘、机也。删定于孔氏，遂列之经，万世宝焉。非夫尽性经政，其言足以法与？六经远矣，《史记》一书，杰作也，入出抵牾，间或莫掩，至独出机轴，首变古法为今制，有百代不能易者，舍短用长可也。

今郡国咸有志，类失步邯郸，谁登古雅。永春志阙久，尹天台柴仲和氏病焉。既之，宪长昆山周公以斯督郡县，仲和欣然承之，辄弗予揆，以其事属予。既爰事，取旧志读之，皆荒诞猥俚，弗可藉手。加之文献残落，昔贤遗事，漫无所于考，乃与仲和悉力搜研，稽政于官、问俗于野，访遗于荒山古庙，补其脱略，续其新，黜其不丁载者。暑寒交，始克就事。例以义起，事从其类，凡七志，分九卷。夫事不师，匪克有闻。元也志长力短，博观百氏，庸酌厥衷，鼠坻牛场。容知免夫。

嘉靖丙戌旧志序

· 仁和邵锐撰 ·

宪使周充之甫，莅任伊始，即令有司各以志上。以度地勢，以咨民风，以核吏治，互稽参驗，审厥攸宜，会诸一心，俾助政理。于是，永春柴尹鑑，始作邑志，用塞嘉命。廷评林懋贞甫，实总厥事，底于有成。

惟永春阻山以治，实号荒远，稽古礼文之事，类就缺略。惟是风气旣厚，笃生善良。有义门陈氏者，爰自南宋入我明，合族以居，历世十二，内外雍肃，人罔间言。揆厥所由，类尚淳质，三代典型，于是乎在。今志特书，庸阐厥美。呜呼，兹固兹①邑所以重者乎！不惟其勢惟其人，不惟其华惟其实，兹固所以重兹②邑者乎！予故表而出之，俾天下后世。被兹休风，咸用兴起，有耻有劝，用赞治于无穷，则兹邑亦与有望也已。若诸志云云，雅有史法，非苟作者，观者宜善求之。

[校 注]

①、②兹 应按清乾隆五十二年版本《永春州志》（以下简称颜本）作“斯”。

万历丙子旧志序

· 晋江朱安期书 ·

邑得有志乎？邑从郡而为之志者也。古者王朝、列国之史，皆谓之志。《周官》小史、外史，掌邦国四方之志是也。故郡史从古而名志，邑无史而不得名志。吾故曰：“从郡而为之志者也。”

永春，泉支邑，介在岩险郁樾之中，离郡百二十里余，减丞、簿，仅设尉。顾山川、贡赋、仪文、器度、官职、人物，咸与上邑等埒，非独异也。惟是界漳平、清溪^①、德化诸邑，林菁绵密，颇有窥攘。迹年岛夷弗靖，奸寇乘间猖獗，民遭荼惨，赖谟谋威略歼平之。兹疮痍瘳，士民渐知所息踵，中间数年耳。事变兴革，文献阙张，奚啻更仆；终述往事，诏来者，何稽？惟稽诸志。

旧志修自嘉靖初，为林次崖氏希元、柴侯鑑，实始缀焉。乃今许侯兼善，当甫戢之后，思与民休息，方将均粮平赋，蠲其浮赋，军民咸输情谐洽。问所疾苦，求诸往谍，志版图籍已焚毁，矧曰简脱放佚之云乎！虽欲不修，明不可其已矣。于时郡守厚山邱公，锐意邑属之治，亦谓前事不忘，后事之资，是宜亟图。乃属安期使从事。余惟邑志从郡，曩尝预纂修郡志，叨随执役于今司寇黄葵峰先生，而窃取其义已备矣。顾今惟一邑之事，钜细毕陈，补缺划陋，可以为后人章程，是无忝已，又非有笔削予夺事也。即有笔削予夺，亦稽诸有众，遍访贤士、大夫、山氓、故老而为之。余安敢于其间哉？又况分校蒐阅，勿至异同，则有乡文学蔡君钟、刘君龙；而率弟子员方平、刘大义以考异析疑，辨误正讹，则司训君^②相与赞协之。余不佞实总其成。是故事必核，词必正，类例必审，弗泥前闻，强略时事，浮议罔牵，囿罔比焉。计三阅月，为

卷十有二。不敢曰作某志，仅以其目名卷者，惧有僭也。缮写已竣，侯取而读之，沾沾喜曰：“是可以观，可以劝，可以惩矣。兹以式于永，大且不朽，请序而饒之。”余惭志之不释，又何序？母亦曰，其勿托诸空言也已，俾后之读是编者，咸绎其初指，曰：“某修之，其明而行之。”则斯志也，咸凿凿乎言之有据，其不为徒托诸空言也，是可以释余之惭也夫。

刻就，而郡推华平支公以视事至，整肃治纲，乐观厥成云。是举也，乡大夫宝庆通守郑君嘉猷始谋襄赞；春元王君天策、李君开芳咸有讨论；尉侯君三省，阅工督视、亦与有劳焉。法得备书。

[校 注]

①清溪 应按原本作“安溪”。

②司训君 原本作“司训某公”。

万历丙子旧志后序

志，史之流也。用以纪实昭邈，鉴往风来，一或不备，时久言湮，事将焉考？是故杞、宋无征，夫子惜之；诸侯去籍，孟轲氏不得其详。甚矣，志之不可以已也。

吾永春韦斋许侯之治邑也，政先体要，以邑志实吏治所出，民风所关，殫于政理，大而且急焉者。慨旧志遭寇毁，变故日繁，阙事莫登，即议修辑之。因以状闻，遂得请于当道诸公，礼延晋江朱肖简先生，俾属笔焉。先生，乡之长者，有良史才。于是，以嘉靖丙戌同安林次崖先生所修志为经，以甲寅萧东荆游君续志为纬，参互考订，摘旧检新，阐幽征显，述其所宜书，益其所可来^①，如农政以重稼穡，秩祀以仁鬼神，防围以别武烈。至夫类例之审，不拘于前闻，而著其所未发，仍于各目之下，复为少论列。尤根极理要，参酌时宜，可以证今传后，谓非一邑之信史，百世之典型也哉。

志成，总若干卷，先生序其意于前矣。猥以不佞，滥叨分阅，命叙诸末简。窃谓斯志之成，许侯藉之以立功焉；先生垂之以立言焉；邑之人士得是而读之，景行前修，贞志伤躬，将期之以立德焉。异日者，人物踵美于有宋，风俗益淳于方来。即山川为之改观，疆域为之增重，斯志与地重殆将同流不朽，庶不负今日修明之意。先生恢闳统^②辨之才，绝类离伦之识，具见于笔削予夺中。古人所谓征文献而其详可得闻者，咸于兹焉在矣。尤讲于古人之学，其好恶端，其去取严，龙固可以无劳而蒙成。昔昌黎韩子之记滕王阁也，谓词列三王^③之次，有荣耀焉。余之记斯志也，不亦有余光乎哉！故不揆而为之序。

[校 注]

①来 颜本作“采”。

②统 应按颜本作“博”。

③三王 韩愈《新修滕王阁记》：“窃喜载名其上，词列三王之次。”三王，指作序的王勃，作赋的王绪，修《修阁记》的王仲舒。

docsriver 文川网
入驻商家 古籍书城

在文川网搜索古籍书城 获取更多电子书

修志凡例

——县有专志，州有统志。永春自国朝雍正十二年升县为州，以德化、大田来属，体相主辅，势若臂指，不可无志以统括之，与昔之专记一邑者异矣。

——县志宜详，州志宜略。但本州无附郭县，一切记载，不得概从简要。德、大两邑，各有专乘，去琐涤繁，亦期载而有体。

——旧志元以前无考。一修于明嘉靖丙戌，再修于万历丙子，三修于国朝康熙甲子，续修于雍正庚戌。今嘉靖志已佚不存。兹编以万历邑志，德、大两邑志为本，参以《闽书》、《通志》，及群籍之散见者，搜讨采辑，颇为该备。

——自来志乘多分纲目，但为目既多，纲难统括。兹依《福建通志》、《福州府志》体例，立二十四门，去其荒俚而补其罅漏，匪云立异，究亦何必尽同。

——旧志不列星野，揆之体制，未免疏略。兹为编辑，以冠诸类之首。

——建置沿革，历代不同。我朝升县为州，规制为大备。兹详其故于前，而以表附之，使缮阅者如睹指纹。

——旧志不列《形势》，兹为补入，附载疆域之后。

——旧志于山分主从，不徒涉形家言，而前后左右亦不相联络。兹依《闽书》准，都分编列。至若八景、十景之说，尤属后人妆点，非山川本色，不敢溢载。

——田赋额数则例，首列国朝定制，而宋、元、明编次于后。具源委，备稽考，亦以见国家之薄赋轻徭，远非前代所及。

——州志职官，宜从州始，统所尊也。兹首列升州以后诸具官，而历代职官仍以次编列焉。

——选举自唐、宋以来，科目繁多。兹采辑各史，详其制度，

以冠于编。至于赏算入官，汉代已然，兹载其已登仕版者，而需次在官考取，未受地，不与焉。至例贡、例监，人数繁多，不胜纪载，惟由诸生援例者附之。

——人物依史例，首列传，次忠义、孝义、儒林、文苑、隐逸、艺术。至各史有道学，永属无其人，则阙之，不敢滥也。各传所载，必人与事称，故于旧志不能无增削，非敢以意为爱憎，亦期传信而已。至其人现存者，不立传，史例也。

——烈女分节孝、贞烈、名媛三类，其贞节有未题旌者亦附焉。

——旧志不列艺文，遂使前人著作湮没无闻。兹为详其书目，另为一编。其诗文有关典要者，分注于各类之下，以便缮阅。

——志中援引群籍，俱记明书目，或标列于前，或侧注于下，不忘所自，且以征信也。间附按语，以辨疑，以正讹，非于旧志故为抵牾。

永春州志目录

卷首	1
图 ^①	
卷之一 星野	8
卷之二 建置沿革 表(附)	10
卷之三 疆域 形势(附)	17
卷之四 城池 乡都坊表(附)	20
卷之五 山川	28
卷之六 山川	42
卷之七 山川	54
卷之八 水利桥梁	70
卷之九 田赋	87
卷之十 田赋	102
卷之十一 田赋	111
卷之十二 学校	120
卷之十三 军制	140
卷之十四 坛庙	157
卷之十五 古迹	167
卷之十六 风俗	184
卷之十七 物产	189
卷之十八 公署 仓铺邮政(附)	219
卷之十九 职官	227
卷之二十 选举	281
卷之二十一 选举	294
卷之二十二 选举	334
卷之二十三 名宦	348

卷之二十四	人物	361
卷之二十五	人物	374
卷之二十六	人物	380
卷之二十七	人物	391
卷之二十八	流寓	399
卷之二十九	列女	401
卷之三十	列女	412
卷之三十一	列女	420
卷之三十二	仙释	422
卷之三十三	艺文	427
卷之三十四	祥异 蓍符(附)	431
卷之三十五	外纪	439
整理重印《永春州志》跋		446

[校 注]

①图 图分永春县图、永春州总地图、永春州治图、德化县山水图及县署图、大田县山水图及县署图等,共 29 幅。本次整理重印时略去。

永春州志

名宦目

永春州

唐	王 颢				
宋	林 滂	欧 庆	江公望	梁 均	傅 诚
	黄彦晖	许廷彦	陈 珙	黄 瑀	
元	卢 琦	林 纯 ^①	钱宗显		
明	王 忠	温 琇	杜 住	叶 珠	柴 鏞
	陈 瑀	王 渊	梁 秦	徐 衡	吕 猷
	翁 爵	刘三锡	梁道凝	陈见龙	范时化
	田堪廉				
国朝	胡万鉴	潘际昌	郑 名	郑功勋	许其谊
	于翰翊				

德化县

唐	颜仁郁				
宋	陈 靖	饶应龙			
明	王 巽	王 贞	冯 翼	古彦辉	应履平
	余 表	何 复	陈 宋 ^②	李 青	杜 顺 ^④
	胡 潜	许 仁	胡惟立	绪东山	邓景武
	张大纲	秦 隰	黄承讚	丁永祚	饶自成
	张 洋	林大俊	桂振宇	姚 迟	金雨浑 ^⑤
	林茂春				
国朝	黄 琮	王世爵	王宠受	崔 越	和盐鼎

范正轺 力子侗	王一导	王调元	熊良辅	王钦祖
------------	-----	-----	-----	-----

大田县

明	唐文杰 诸大木 莫士及	谢廷训 管谷	李偕 王永吉	俞乔林 [®] 卢敬	苏黎庶 魏谦
国朝	胡天湛 俞兆岳	刘继祐 徐有经	游禄勉	叶振甲	张廉

人 物 目

永春州

唐	盛均				
五代	林仁肇	留从效			
宋	留仁谦 留正 林万 陈一新 留元刚	柯述 留恭 陈景魏 陈璞 留元圭	黄丰 留筠 黄以宁 陈模 庄弥邵	陈知柔 留硕 颜械 庄夏	黄伟 王胄 颜楠 留元英
明	张政原 刘应望 芬)	黄永 郑嘉猷 李开藻	颜隆 颜溥 庄际昌	黄光升 颜廷掣 周盛典	郑庄彦 李开芳 (开
国朝	颜奇宿 周永	王廷聘 郑尚瑞	林兴珠 颜斯谋	刘海岳	黄龙

德化县

宋	苏钦 郑庸 邹询 李云阶	苏洸 凌辉 凌高 郭维翰	郑轮 杨登玉 郑沛 赖垓	林洽 单辅 张士宾	林羸 林茂 林栋
----------	-----------------------	-----------------------	-----------------------	-----------------	----------------

国朝 邓孕槐 李道泰 王 维 陈应奎

大田县

明 蒋伯良 田 瑛 田 濡 田一俊 郭奇逢
田 瑄^①

忠 义 目

永春州

宋 黄东老 陈士英 卓子信
明 郭荣六 郭景二 潘 学

德化县

宋 苏十万 陈 蔚

大田县

明 郭延寿 蒋 伦 陈斌三 刘赵珪 陈永居^②

孝 义 目

永春州

明 陈 庸 陈永逢 陈嘉谋 蔡 钟 李阳初
李应元 颜巨卿 尤泰一

国朝 郑用垓^③ 郑启岐 林万选 周朝麟 尤元会（锡兰）

德化县

宋 林 程 张兴渭 郑师孟
明 邹 淮^④ 王廷试^⑤ 李 繁 赖孔教 赖 燦
郭 琛 林宗源 涂洪三 曾 汇

国朝 李乔钟 徐 瑾 谢犹龙 刘 钰 徐士万
邱孔感 王业煥 郑振郁 李公培 李 录
赖 著^⑥ 徐奇勋 陈洪图 陈义焯

大田县

明 陈 伦 廖 旻 郭仁显 吴广三^① 陈辉世
张 晓 魏光晖 陈 诚^①

儒 林 目

永春州

宋 蔡 兹
明^② 卓 琮 黄以翼 陈 易

文 苑 目

永春州

五代唐 陈保极
宋 苏 升 颜孝初 颜 褒 陈 玘 陈 光
黄 豫
明 王天策 刘天麒 刘 整
国朝 颜尧揆 黄鹏万^①

德化县

宋 苏总龟 黄龟朋 蒋明纪 陈文叔 张应辰
郑起东
明 林 焯 詹 洵^①
国朝 林汪远 李 鼎 萧宏梁 邓启元

大田县

明 郭居敬 连登岸

隐 逸 目

永春州

元 颜伯录

德化县

宋 黄公懋 苏绍成 陈有仁

大田县

明 欧阳文伟 廖 兴

艺 术 目

永春州

宋 王 识

德化县

宋 张元德 陈 朗 连惟深

国朝 陈 雷

大田县

明 郭福顺

流 寓 目

永春州

隋 镜台翁

五代 范元超 留庠使 袁 昭[®]

宋 朱 熹

明 林 俊 俞大猷 詹仰庇 黄克晦 李廷机

永春州志纂修姓氏

总裁	分巡福建兴泉永道合河	白 瀛
督修	福建永春直隶州知州青浦	杜昌丁
纂修	原任广东四会县知县永福	黄 任
	甲戌科进士永福	黄 惠
参校	原任山东临清州知州	尤锡观
	原任安徽旌德县知县	郑梦馨
	甲子科举人	颜 琦

戊辰科进士
辛酉科举人
癸酉科拔贡
廉生
廉生
监修 永春州儒学学正光泽
署学正德化县教谕惠安
校对
缮写
督梓 永春州吏目上犹
黄坂司巡检大兴
考职监生

王谦益
陈 经
郑世霖
周锡圭
王捷奎
张翼翱
出梦鲤
杜永健
杜永和
杜心芬
杜宁馨
杜永嘉
蔡昌识
张宗茂
王际唐

[校 注]

- ①林纯 职官志与人物志均作“林纯子”。
- ②田堪廖 职官志与人物志均作“周堪廖”。
- ③陈宋 职官志与人物志均作“陈宗全”。
- ④杜顺 职官志与人物志均作“任顺”。
- ⑤金丽泽 职官志与人物志均作“金丽泽”。
- ⑥俞乔林 职官志与人物志均作“俞乔”。
- ⑦下漏：国朝 萧人龙 张祥斯
- ⑧下漏：国朝 温荣三
- ⑨郑用垓 人物志作“郑用慎”。
- ⑩邹淮 人物志作“邹维”。
- ⑪王廷试 人物志作“王廷铍”。
- ⑫赖著 人物志作“赖署”。
- ⑬吴广三 人物志作“吴广二”。
- ⑭下漏：郭子暹。

⑮“明”字应删，以下三人均宋朝人。

⑯黄鹏万 人物志作“黄鹏扬”。

⑰下漏：林际春。

⑱下漏：庾。

⑲邵光龙 人物志作“邵光允”。

永春州志卷之一

星 野

分星之说，黄帝已先《周礼》言之，见于刘昭《郡国志注》。世称善占验者，宋子韦、晋卜偃、郑梓慎、吴史墨之徒，各以十二土^①所属，卜其国之灾祥。则辨经纬、察宿离，亦占天齐政者所有事也。旧邑志于星野阙不书，岂以天道远不可知耶，抑谓蕞尔地无关象纬耶？今捃拾各家言，而以说之可据者，列于前。董子曰：“天人相与之际，甚可畏也。”其此志也大！志星野。

《帝王世纪》：“星纪之次，吴越分野。”

《周礼》：“保章氏以星土辨九州之地，所封封域皆有分星。”郑注：“十二次之分也，星纪吴越也。”

《尔雅》：“星纪，斗、牵牛也。”郭注：“牵牛、斗者，日月五星之所终始，故谓之星纪。”《郑晓天文述》：“其以斗、牛为星分首者，日月星皆起于斗宿。古之言天者，由斗、牛以纪星，故曰星纪。”《春秋纬·元命苞》：“牵牛，流为扬州，分为越国。”

《后汉书·天文志》：“牵牛，土^②吴越。”

《晋书·魏·陈卓》云：“会稽人^③牛一度。”《吴·虞翻》云：“会稽，上应天牛之宿，下当少阳之位。”

唐僧一行云：“天下山河之象，存乎两戒：北戒自三危^④至朝鲜，是谓北纪；南戒自岷嶓^⑤至东瓯、闽中，是谓南纪。”

《福建通志》：“牵牛跨浙、粤、闽三省。闽西届樵川，西北尽柘浦，东抵长溪，而清漳襟当岭南，距会稽不上数百里，实在周天分度数一千四百六里之内。”宋《武安志》郑宗彊《星经》云：

docsriver 文川网
入驻商家 古籍书城

在文川网搜索古籍书城 获取更多电子书

“周天之数，每星一度，辖地一千四百六里有奇。”即谓闽咸隶会稽牛一度也固宜。或又以闽越在南，而星纪属北，疑于相配之义未协。考《左传》昭公三十二年，史墨以得岁卜越，范曄亦以广陵王之变，及盗起句章、鄞鄮为证。是星纪在北，而指于南或闽越亦从其所指与？

按《周礼》注云：“州中封域分星，其书亡矣。”堪輿虽有郡国所入度，非古数也。我朝用西法，谓分野不甚足据。今考诸书，言星野者不一。《史记·天官书》及《天文志》：“斗，江湖；牵牛、婺女，扬州。”《汉书·地理志》：“吴地斗分野，越地牵牛、婺女分野。”《后汉书·郡国志》：“自斗十一度至须女七度为星纪，吴越分野。”《隋书·地理志》同，但改十一度为十二度。《唐书·天文志》“南斗、牵牛，星纪。”《唐书·地理志》：“江南道古扬州，南境为星纪，鹤尾分。”《宋史·天文志》：“天市垣二十二星，其东垣南第六星，曰吴越，亦为星纪之次。”《元史·天文志》：“斗四度三十六分六十六秒，入吴越分，星纪之次，扬州之分。”《明史·天文志》：“福建布政司所属皆牛、女分。”以上诸说，或兼斗、牛、女，或兼斗、牛，或兼牛、女，或专属斗，或属鹤尾，或属天市垣，《通志》皆以为不足信。《周语》单子谓鲁成公曰：“吾非瞽史，焉知天道？”闽为南戒中六分之一，永属又为闽中二十分之一。《通志》既云隶会稽牛一度，姑从之。

[校 注]

①十二土 十二土当指十二州。据传说，系尧舜时代的行政区域。

②土 应按原本作“主”。

③人 应是“入”。

④三危 山名，在今甘肃省敦煌县南。

⑤岷嶓 岷，岷山，在四川；嶓，嶓冢，山名，在陕西。

永春州志卷之二

建置沿革

《周礼》：五党为州，州有长；四甸为县，县有正。秦罢侯置守，仅沿其名，而辖地之广狭异。汉治县地，远及临海、章安^①，封域千数百里而遥。后乃升省、升郡、升州，屡有制置分析。永春与德、大两邑，旧分隶泉、剑^②，实唇齿地。深山密箐，踔远府治，郡邑声势，不相联络。我朝升县为州，而以二邑来属，臂动指应，绣错牙分，诚体国经野之良模也。因次其先后，表而列之。志建置沿革。

永 春 州

《禹贡》：扬州之域，周为七闽地，春秋以后为越地，越王勾践六传至无疆，灭于楚；诸族于滨于江南上，或为君，或为王，朝服于楚。又七世至闽越王无诸，姓驺氏。秦为闽中郡地，秦并天下，以其地为闽中郡。汉高帝时为闽越国治县地，无诸从汉击楚有功，复立为闽越王，都治。元鼎中，为会稽南部地，武帝以闽越数反复，徙其民江淮间。后复以其地置会稽南部都尉。建安初为侯官县地，三国吴为建安郡东安县地，吴永安三年，黜孙亮为侯官侯，立建安郡。又析侯官地置东安等县。晋为晋安郡地，太康三年，析建安置晋安郡，即今福州。宋为晋平郡地，太始四年，改晋安为晋平。齐仍为晋安郡地，梁为南安郡地，天监中，析晋安置南安郡，今南安县其治所也。隋为南安县桃林场地，开皇九年，南安郡废，改晋安县为南安，以西北二乡置桃林场。唐隶丰